

«Վավերացնում եմ»  
Հայաստանի Հանրապետության  
Նախագահ Ռ. Քոչարյան  
20 մայիսի 2002 թ.

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**

**Ո Ր Ո Շ ՈՒ Մ**

20 մայիսի 2002 թվականի N 591  
քաղ. Երևան

**ԶՈՐԱՀԱՎԱՔԱՅԻՆ ՄԱՐՄԻՆՆԵՐԻ ՕՐԻՆԱԿԵԼԻ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ  
ՄԱՍԻՆ**

«Զորահավաքային նախապատրաստության և զորահավաքի մասին» Հայաստանի  
Հանրապետության օրենքի 17-րդ հոդվածին և Հայաստանի Հանրապետության կառավարության 2001  
թվականի դեկտեմբերի 1-ի «Զորահավաքային նախապատրաստության և զորահավաքի մասին»  
Հայաստանի Հանրապետության օրենքի կիրարկումն ապահովող միջոցառումների մասին» N 1192  
որոշման 1-ին կետի «ա» ենթակետին համապատասխան՝ Հայաստանի Հանրապետության  
կառավարությունը **որոշում է**։

Հաստատել զորահավաքային մարմինների օրինակելի կանոնադրությունը (կցվում է)։

**Հայաստանի Հանրապետության  
վարչապետ**

**Ա. Մարգարյան**

*Հաստատված է  
ՀՀ կառավարության 2002 թվականի  
մայիսի 20-ի N 591 որոշմամբ*

**Օ Ր Ի Ն Ա Կ Ե Լ Ի Կ Ա Ն Ո Ն Ա Դ Ր ՈՒ Թ Յ ՈՒ Ն**

**ԶՈՐԱՀԱՎԱՔԱՅԻՆ ՄԱՐՄԻՆՆԵՐԻ**

**Ի. ԸՆԴՀԱՆՈՒՐ ԴՐՈՒՅԹՆԵՐ**

Ձորահավաքային մարմինների օրինակելի կանոնադրության (այսուհետև՝ կանոնադրություն) նպատակն է սահմանել այդ մարմինների իրավունքներն ու պարտականությունները, ենթակայությունը, խնդիրները և դրանց լուծման հիմնական ուղղությունները:

1. Ձորահավաքային մարմիններն ստեղծվում են պետական մարմիններում, տեղական ինքնակառավարման մարմիններում ու գորահավաքային առաջադրանք կատարող կազմակերպություններում:

Պետական մարմիններում գորահավաքային մարմինների իրավասություններն իրականացնում են համապատասխան կառուցվածքային ստորաբաժանումները:

2. Ձորահավաքային մարմիններն իրենց աշխատանքի ընթացքում ղեկավարվում են Հայաստանի Հանրապետության Սահմանադրությամբ, Հայաստանի Հանրապետության միջազգային պայմանագրերով, օրենքներով և այլ իրավական ակտերով ու անմիջական ղեկավարի որոշումներով, որի վրա անհատական պատասխանատվություն է դրված գորահավաքային նախապատրաստության միջոցառումների կազմակերպման և իրականացման համար:

## **II. ԶՈՐԱՀԱՎԱՔԱՅԻՆ ՄԱՐՄԻՆՆԵՐԻ ՊԱՐՏԱԿԱՆՈՒԹՅՈՒՆՆԵՐԸ ԵՎ ԻՐԱՎՈՒՆՔՆԵՐԸ**

3. Ձորահավաքային մարմինների հիմնական խնդիրներն են խաղաղ ժամանակ գորահավաքային նախապատրաստության և քաղաքացիական պաշտպանության աշխատանքների կազմակերպումը և համակարգումը:

*(3-րդ կետը լրաց. 26.08.10 N 1091-Ն)*

4. Ձորահավաքային նախապատրաստության խնդիրներին համապատասխան՝

- ա) պետական մարմիններում ստեղծվող գորահավաքային մարմինները տվյալ բնագավառի գորահավաքային նախապատրաստության մասով իրականացնում են՝
  - գորահավաքային նախապատրաստության համակարգի ղեկավարումը,
  - գորահավաքային նախապատրաստության ծրագրերի, պլանների մշակման աշխատանքների գիտամեթոդական, տեղեկատվական, մեթոդական և կազմակերպչական ապահովումը,
  - գորահավաքային նախապատրաստության մասով՝ պետական պաշտպանական պատվերի (առաջադրանքի) կատարումն ապահովող միջոցառումների նախապատրաստումը,
  - գորահավաքային առաջադրանքների կատարումն ապահովող միջոցառումների մշակումը և անրաժեշտության դեպքում՝ դրանց իրականացումը,
  - գորահավաքային նախապատրաստության միջոցառումների կատարման վերաբերյալ պետական մարմնի ղեկավարին հաշվետվություն ներկայացնելը,
  - գորահավաքային պլանների կատարման և գորահավաքային ծավալման ուսումնական վարժանքների անցկացման կազմակերպումն ու իրականացումը,
  - սահմանված կարգով պետական մարմնի զինապարտների հաշվառումը,
  - սպառազինության և տեխնիկայի, կարևորագույն քաղաքացիական արտադրանքների, բնակչության կենսաապահովման համակարգերի, առավելագույն վտանգ ու ազգային արժեքներ ներկայացնող օբյեկտների փաստաթղթերի ապահովագրական ֆոնդի ստեղծումը,
  - գորահավաքային առաջադրանքների (պատվերների) կատարման և խնդիրների իրագործման ժամանակ գորահավաքային պլանների համաձայն կազմակերպություններից կամ քաղաքացիներից

շենքեր, շինություններ, հողամասեր, գույք, տրանսպորտային և այլ նյութական միջոցներ վերցնելու, ինչպես նաև նրանց տնտեսական գործունեության ուղղվածությունը փոփոխելու ժամանակ համապատասխան ակտերի կազմումը.

բ) տեղական ինքնակառավարման մարմիններում և զորահավաքային առաջադրանք կատարող կազմակերպություններում ստեղծվող զորահավաքային մարմինները զորահավաքային նախապատրաստության մասով իրականացնում են`

սահմանված զորահավաքային առաջադրանքի կատարումն ապահովող զորահավաքային պլանի մշակման աշխատանքի կազմակերպումը,

զորահավաքային պլանների կատարումն ապահովող միջոցառումների մշակումը և իրականացումը,

զորահավաքային նախապատրաստության մասով պաշտպանական պատվերի (առաջադրանքի), ինչպես նաև համապատասխան պայմանագրերի կատարումն ապահովող միջոցառումների մշակումը,

սահմանված կարգով կազմակերպության ղեկավար անձնակազմի, մասնագետների և որակյալ բանվորների ամրագրման աշխատանքների իրականացումը,

զորահավաքային նախապատրաստության միջոցառումների իրականացման արդյունքների վերաբերյալ հաշվետվություն ներկայացնելը,

զորահավաքային նախապատրաստության ոլորտին առնչվող այլ աշխատանքներ:

4.1. Քաղաքացիական պաշտպանության բնագավառում իրականացվում են հետևյալ գործառնությունները`

1) քաղաքացիական պաշտպանության պլանների մշակում ու մասնակցություն դրանց մշակման աշխատանքներին.

2) համապատասխան կառուցվածքային ստորաբաժանումների հետ համատեղ քաղաքացիական պաշտպանության զարգացման և այդ նպատակի համար ներդրումների, նյութատեխնիկական միջոցների և աշխատանքային ռեսուրսների վերաբերյալ առաջարկությունների մշակում.

3) քաղաքացիական պաշտպանության ղեկավար կազմի քաղաքացիական պաշտպանության գծով պատրաստման կազմակերպում.

4) կառուցվածքային ստորաբաժանումների կողմից քաղաքացիական պաշտպանության գծով պարտականությունների կատարման նկատմամբ հսկողություն.

5) կառուցվածքային և տարածքային ստորաբաժանումների աշխատողների կողմից իրականացվող քաղաքացիական պաշտպանության ոլորտի աշխատանքների համակարգում.

6) ղեկավար մարմնի հանձնարարությամբ` կառուցվածքային և տարածքային ստորաբաժանումների քաղաքացիական պաշտպանության գծով գործունեության ուսումնասիրություններին մասնակցություն.

7) սահմանված կարգով քաղաքացիական պաշտպանության վերաբերյալ ներկայացվող հաշվետվությունների վերլուծություն և դրա արդյունքները ղեկավարին ներկայացնելը.

8) իր լիազորությունների սահմաններում, ինչպես նաև մարմնի ղեկավարի հանձնարարությամբ, առաջարկությունների, տեղեկանքների, հաշվետվությունների, զեկուցագրերի և այլ գրությունների նախապատրաստում.

9) կառուցվածքային, տարածքային և առանձնացված ստորաբաժանումների աշխատողներին մասնագիտական հարցերի վերաբերյալ խորհրդատվական օգնության ցուցաբերում.

10) քաղաքացիական պաշտպանության հարցերով անձնակազմի նախապատրաստության և քաղաքացիական պաշտպանության աշխատանքների կատարելագործման վերաբերյալ առաջարկությունների մշակում և դրանք ներկայացնելը.

11) քաղաքացիական պաշտպանության ոլորտին վերաբերող այլ հարցերի համակարգում և քաղաքացիական պաշտպանության միջոցառումների կազմակերպում:

**(4.1 կետը լրաց 26.08.10 N 1091-Ն)**

5. Ձորահավաքային մարմիններն իրավունք ունեն`

ա) առաջարկություններ ներկայացնելու գորահավաքային նախապատրաստության և գորահավաքի ու քաղաքացիական պաշտպանության աշխատանքների կատարելագործման վերաբերյալ.

բ) իրենց իրավասության սահմաններում խորհրդակցություններ հրավիրելու.

գ) իրենց իրավասության սահմաններում համակարգելու գորահավաքային նախապատրաստության և գորահավաքի ու քաղաքացիական պաշտպանության հետ կապված միջոցառումները:

**(5-րդ կետը լրաց 26.08.10 N 1091-Ն)**

### **III. ՁՈՐԱՀԱՎԱՔԱՅԻՆ ՄԱՐՄԻՆՆԵՐԻ ԿԱՌՈՒՑՎԱԾՔԸ, ԵՆԹԱԿԱՅՈՒԹՅՈՒՆԸ ԵՎ ԳԱՂՏՆԻ ԳՈՐԾԱՎԱՐՈՒԹՅՈՒՆԸ**

6. Ձորահավաքային մարմնի կառուցվածքը և կազմը որոշվում են` ելնելով գորահավաքային նախապատրաստության աշխատանքների բնույթից և ծավալից:

7. Ձորահավաքային մարմնի ղեկավարը ենթարկվում է պետական մարմնի աշխատակազմի, համայնքի և կազմակերպության ղեկավարներին:

8. Ձորահավաքային մարմինների գաղտնի գործավարությունն իրականացվում է Հայաստանի Հանրապետության օրենսդրությամբ սահմանված կարգով: